

Probudite se

Samilost se na ovom svijetu iskazuje kroz ljubav i dobrotu, i to su kvalitete koje oni koji prakticiraju Dafa trebaju zračiti iz sebe. Nedavno sam razmišljao o nečemu. Pozvao sam vas da pomognete u spašavanju života, ali mentalno stanje koje imate dok radite stvari tim povodom, na primjer kada sami širite svijest među ljudima ili nastupate sa Shen Yun, ne bi se trebalo ograničavati samo na te momente. Umjesto toga, trebali biste održavati takvo mentalno stanje u kom uzdižete ljudske duše i držite se ovog osjećaja svrhe dok obavljate stvari na svom radnom mjestu, ma gdje ono bilo. Ovo posebno važi za one od vas koji su uključeni u razne medijske platforme. Ima slučajeva kad drugi u vama ne mogu ni da naslute samilost, koju bi trebalo da ima neko ko vodi duhovni život. Ili se vaši komentari situacija ili događaja zasnivaju na vašim ličnim sklonostima, što ne bi trebao biti slučaj. Ovdje ste da pomognete u spašavanju života i trebali biste koristiti *Zhen*, *Shan*, *Ren* kao kriterij za procjenu stvari. Ono što pišete i govorite treba, u najmanju ruku, pokrenuti ljude u pravcu gde će biti spašeni.

Prilično ozbiljan problem je to što neki ljudi često poduzimaju lične napade na važne ličnosti u vlasti. Ali mi smo tu da pomognemo ljudima da se duhovno uzdignu i izbavimo ih opasnosti, a ne da stvaramo neprijatelje. Istini za volju, ne biste trebali poduzimati lične napade ni na koga, bez obzira koliko je neka osoba loša (sa izuzetkom preminulog mračnog gospodara Komunističke partije Kine, Jianga), a posebno ne na važne ličnosti u dvije glavne američke političke partije. Svi su ovdje, na ovoj Zemlji zbog Puta, i svi čekaju spasenje. Ipak, lični napadi obično nose jaku ogorčenost. A kada se formira takav intenzivan osjećaj, teško ga je potisnuti. Pa kako ćeš ih onda spasiti? Čak šta više, vjerovatno će to izazvati odmazdu. Zar nije bilo dosta lekcija u tom smislu? Većina nas, ovdje, dolazimo izvana i nismo duboko ukorijenjeni u ovom društvu. Šta više, došli smo ovamo da pobjegnemo od progona od strane KPK. Stoga bismo trebali biti zahvalni, jer su nas Sjedinjene Američke Države prigrllile.

Kada pišete ili govorite, trebate to činiti s namjerom da spasite druge, i s ljubavlju. Svaki Dafa praktikant—a ne samo oni u medijima—treba da se zapita da li radi kako bi neko ko je u duhovnoj praksi Dafa trebao raditi. Ne mogu a da ne osjećam zabrinutost, osvrćući se na to kako ste radili. Mnogi ljudi su već neko vrijeme opušteni u svojoj duhovnoj praksi, i bave se stvarima slično svim drugim ljudima na svijetu. A to teško da je duhovno stanje nekoga ko prakticira Dafa, zar ne? Zaista morate ozbiljno shvatiti ovaj problem. Mnogi od vas koji su uključeni u razne medijske platforme moraju početi da povezuju svoj rad sa širenjem svijesti i pomaganjem da se ljudi oslobode opasnosti po njihove duše. Ako vam je jedini cilj da povećate broj klikova, teško da je to duhovno stanje jednog Dafa praktikanta. Gubite velike

količine ograničenog vremena, koje je namijenjeno spašavanju ljudi u ovim posljednjim danima! Jednoga dana ćete zažaliti zbog toga! Odgovornost Dafa praktikanata je da izvedu ljude van opasnosti, ali ako tako nastavite, vaša će samilost potpuno nestati! Naliči li to nekome ko vodi duhovni život? Razmislite o stvarima koje su se dogodile, i da li bi to mogli biti izolirani incidenti. Postoje viša bića koja štite Dafa praktikante. Kada stvari krenu naopako, nije li to božansko upozorenje? Zašto se ne trgnete? A ako nešto krene strašno po zlu, nije li to stvar božanske kazne? Ako više nemate samilosti u sebi, ako ste izgubili iz vida svoje odgovornosti i misiju, pa čak i zaboravili na svoje duhovne ciljeve, onda ćete zasigurno biti kao svi ostali na ovom svijetu. A ako je linija [razgraničenja] između Dafa praktikanata i drugih nejasna, šta će biti s vama kao grupom? Zar to nije zastrašujuće? A mi smo bića koja nose najveću odgovornost u kosmosu!

Uvijek sam vas učio da se u ulogama Dafa praktikanata ne biste trebali uključivati u politiku, niti se upuštati u rivalstvo između političkih stranaka. Demokratska stranka i Republikanska stranka su samo svjetovni entiteti. Svaki pojedinac je neko koga božanstvo želi spasiti. Nije vaše da mislite da ćete se potruditi spasiti samo pojedince koji pripadaju jednoj političkoj stranci, a ne drugoj. Svi su oni *moji* ljudi! Ja, kao i mnoštvo božanskih bića, želimo da ih spasimo! Drugačija je priča, naravno, ako neko ne želi biti spašen. Ali kao Dafa praktikanti, ne možete birati i izdvajati. Svaka osoba je božanska po prirodi, i svi su došli na ovu zemlju da saznaju za Dafa i dobiju oslobođenje.

Također, kada komentarišete stvari [na vašim medijskim platformama], trebali biste se fokusirati na neposredan predmet, a ne na uključene pojedince. Možda je neki pojedinac postupio pogrešno u nekom pogledu, ali je odličan u postupcima u drugom pogledu. Razmišljanja i uvjerenja drugih su prilično drugačija, ali to ne znači da su oni loši ljudi. Biti u stanju odnositi se dobrodušno prema bilo kome, imati ljubav prema svim ljudima, zaista nije nešto što prosječna osoba može postići. Još je teže imati osjećaj samilosti prema svim živim bićima, u svemu što radite. Ali to je nešto što učenici Dafe moraju moći! Duhovni razvoj je proces, tako da ovo što sam opisao, u ovom trenutku, možda nije izvodljivo za one koji su noviji u praksi; ali s vremenom, kako se dalje budete razvijali u svojoj duhovnoj praksi, moraćete to moći. Veterani u prakticiranju to trebaju raditi *sada*. To je nešto što diktira vaša historijska misija, i to je nešto što svaki Dafa praktikant koji teži duhovnoj veličini mora postići u svojoj praksi!

Vaš Učitelj,
Hongzhi Li

6. jun 2024.

(prevod žuti tim)

prevod na bosanski, 08.06.2024

